

Skipulagsnefnd mælist til að sveitarstjórn Flóahrepps samþykki fyrirbyggjandi skipulags- og matslýsingu dagsetta í nóvember 2018, sem skýrir væntanlega breytingu á gildandi aðalskipulagi Flóahrepps 2017 – 2029, skv. 1. mgr. 36. gr. skipulagslaga nr. 123/2010. Skipulagsfulltrúa falið að senda Skipulagsstofnun lýsinguna til umsagnar skv. 1. mgr. 30. gr. skipulagslaga og kynna lýsinguna almenningi skv. sömu grein skipulagslaga.

Sveitarstjórn Flóahrepps samþykkir 5 með atkvæðum að fela skipulagsfulltrúa að senda lýsinguna til umsagnar skv. 1. mgr. 30. gr. skipulagslaga og að kynna hana almenningi skv. sömu grein skipulagslaga.

b) Afgreiðslur byggingarfulltrúa 19 - 95 - 1902003F

Lagðar fram til kynningar afgreiðslur byggingarfulltrúa frá 20.02.2019

4. Tilnefning frá Umf. Þjótanda í ungmennaráð Flóahrepps – nefnd

Á 215. fundi SF voru samþykktar tilnefningar ungmenna í ungmennaráð Flóahrepps. Frá fulltrúum ungmennaráðsins bárust aðeins 5 tilnefningar í sæti aðal- og varamanna ráðsins. Óskað var eftir því að UMF Þjótandi tilnefndi sjötta fulltrúann til þess að fullskipað væri í ráðið. Ungmennafélagið Þjótandi tilnefnir Árna Má Ólafsson í Brandshúsum 3 sem fulltrúa í Ungmennaráð Flóahrepps.

Sveitarstjórn Flóahrepps samþykkir tilnefninguna með 5 atkvæðum.

5. Flóaljós – upplýsingagjöf

Guðmundur Daníelsson mætti til fundarins og fór yfir stöðuna á verkefnum. Fyrir liggja drög að samkomulagi milli Flóahrepps og Fjarskiptasjóðs sem gerir ráð fyrir viðbótarstyrk til verkefnisins Flóaljós. Sveitarstjórn samþykkir samkomulagið með fyrirvara um að umrætt framlag sem skiptist á árin 2019, 2020 og 2021 sé óháð fjölda tengistaða og felur sveitarstjóra að undirrita samkomulagið.

Samþykkt með 5 atkvæðum.

6. Húsnæðismál Byggðasafns Árnesinga

Stjórn Héraðsnefndar Árnesinga fyrir hönd stjórnar byggðasafns Árnesinga óskar eftir heimild Flóahrepps til lántöku vegna kaupa á húsnæði fyrir starfsemi safnsins. Fyrir liggur samþykkt tilboð í eignina Búðarstíg 22 og endurbóta á því.

Fyrir liggur ákvörðun sveitarstjórnar um að veita stofnun/félagi sem sveitarfélagið á í samvinnu við önnur sveitarfélög, einfalda ábyrgð vegna lántöku þess hjá Lánasjóði sveitarfélaga og hún tryggð með tekjum sveitarfélagsins:

Sveitarfélagið Flóahreppur samþykkir hér með að veita einfalda ábyrgð á sínum hluta vegna lántöku stofnunar Héraðsnefndar Árnesinga, Byggðasafni Árnesinga hjá Lánasjóði sveitarfélaga að upphæð 100.000.000 kr. til allt að 15 ára.

Er ábyrgð þessi veitt sbr. heimild í 2. mgr. 69. gr. sveitarstjórnarlaga nr. 138/2011, og er hún óskipt (in solidum) gagnvart kröfuhafa, en innbyrðis skiptist hún í hlutfalli við eignarhluti í Byggðasafni Árnesinga.

Sveitarfélagið Flóahreppur veitir lánasjóðnum veð í tekjum sínum til tryggingar þeirri ábyrgð, sbr. heimild í 2. mgr. 68. gr. sömu laga. Ábyrgðin tekur til allra greiðslna sem og hvers kyns kostnaðar sem hlýst af vanskilum. Er lánið tekið til að ganga frá kaupum á húsnæði Byggðasafnsins á Eyrabakka og endurbótum þess sbr. 3. gr. laga um stofnun opinbers hlutafélags um Lánasjóð sveitarfélaga nr. 150/2006.

Sveitarstjórn Sveitarfélagsins Flóahrepps skuldbindur hér með sveitarfélagið sem eiganda Byggðasafns Árnesinga til að breyta ekki ákvæði samþykpta stofnunar sem leggur hömlur á eignarhald að félaginu að því leyti að félagið megi ekki fara að neinu leyti til einkaaðila.

Fari svo að Sveitarfélagið Flóahreppur selji eignarhlut í Byggðasafni Árnesinga til annarra opinberra aðila, skuldbindur Sveitarfélagið Flóahreppur sig til að sjá til þess að jafnframt yfirtaki nýr eigandi á sig ábyrgð á láninu að sínum hluta.

Jafnframt er Eydísi Þ. Indriðadóttur kt. 070560-2759, veitt fullt og ótakmarkað umboð til þess að staðfesta f.h. Sveitarfélagsins Árborgar veitingu ofangreindrar ábyrgðar með áritun á lánsamninginn.

Samþykkt með 5 atkvæðum.

7. Rekstur upplýsingamiðstöðvar – samstarf Árborgar og Flóahrepps